



Pou Piblikasyon Imedya: 20/07/2023

GOUVÈNÈ KATHY HOCHUL

GOUVÈNÈ HOCHUL ANONSE 150 MILYON DOLA FON PRÈ NEW YORK FORWARD 2 A POU BAY TI BIZNIS ETA NEW YORK PRÈ FLEKSIB

Patenarya ak pretè kominotè ki baze sou misyon yo pral ranfòse ti biznis yo ak òganizasyon san bi likratif yo gras ak aksè ak kapital ak sèvis sipò

Elijibilite elaji pral pèmèt plis ti biznis kalifye pou prè yo

Biznis ki enterese yo ka aplike davans [isit la](#)

Gouvènè Kathy Hochul te anonse jodi a pwogram Fon Prè New York Forward 2 (New York Forward Loan Fund 2) pou ti biznis ak òganizasyon san bi likratif ki kalifye yo. Apre yo fin elaji kritè pou kalifikasyon yo epi ak plis resous k ap atribye pou pwogram nan, fon amelyore an reprezante yon angajman pi solid anvè ti biznis Eta New York yo. Benefisy ki kalifye yo epi ki gen mwens pase 100 anplwaye ak mwens pase 5 milyon dola nan revni anyèl brit ka aplike pou prè jiska 150,000 dola ak to enterè ki abòdab epi ki fiks. Yon pati nan efò [Inisyativ Kredi pou Ti Biznis](#) (Small Business Credit Initiative) Eta New York la nan yon san ki pi laj ki dirije pa Empire State Development, fon an pral anplas pou uit pwochen ane yo epi li pral konsantre sou ede ti biznis ak òganizasyon san bi likratif yo, patikilyèman sa yo ki nan kominate ak zòn riral ki gen revni fèb epi ki istorikman pa jwenn ase sèvis bankè pou jwenn aksè nan fon woulman fleksib pou kouvri yon pakèt depans, soti nan pewòl ak maketin rive nan renovasyon etablisman yo. Anplis de sa, sèvis gen sipò gratis nan men ekspè yo ki pral travay ak biznis yo pandan tout dire prè a.

"Ti biznis New York yo se eleman vital ekonomi eta nou an epi yo enpòtan anpil pou grandi ak ranfòse Eta New York", **Gouvènè Kathy Hochul te deklare**. "Avèk elijiblite elaji, novo Fon Prè New York Forward amelyore sa a pral bati sou siksè premye fon an te reyalize nan sipòti ti biznis yo pandan pandemi an epi kontinye ede plis ti biznis grandi ak pwospere toujou atravè eta a."

Prezidan, Direktè Egzekitif Jeneral ak Komisè Empire State Development lan, Hope Knight, te deklare, "Fon Prè New York Forward 2 a te fèt pou li vin yon resous ki estab, fleksib pou kominate ti biznis New York yo atravè eta a pou jwenn aksè ak kapital lè yo bezwen li. Pwogram inovan sa a pral konekte ti biznis yo ak pretè CDFI solid nan

tout eta a ki ka bay sèvis endividyle ak asistans teknik, espesyalman pou pwopriyetè biznis ki gen bezwen kredi ki twò piti pou pifò bank yo."

Fon Prè New York Forward la te fèt okòmansman pou bay sipò pratik ak aksè a kredi fleksib ak abòdab pou pi piti biznis atravè New York ki te manke aksè a opsyon kredi abòdab pou repons ak COVID-19 la. Eta New York te bezwen kreye pwòp pwogram pa li pou abòde inegalite nan distribisyon fon yo epi paske pi piti prè yo pa te disponib yon fason ki laj sou mache a ak nan to abòdab. Fon oriijinal la te trete plis pase 1,700 prè epi li te distribye 97 milyon dola nan sekou pandemi bay ti biznis yo epi li te sèvi kòm yon liy vital, espesyalman pou konpayi ke fanm ak minorite yo posede. Plis pase 50 pouzan benefisyè prè yo pa t janm aplike pou yon prè biznis anvan Fon Prè New York Forward la.

Nan travay atravè Enstitisyon Finansye pou Developman Kominotè yo (Community Development Financial Institutions, CDFIs), New York Forward 2 a vize debouse yon premye 150 milyon dola ak plan pou resikle ak prete lajan adisyonèl pandan tout dire pwogram lan. CDFI yo pral ede nan akonpli objektif pwogram lan nan yon sans ki pi laj nan envesti nan biznis ki pa jewn ase finansman yo, espesyalman moun koulè yo, fanm yo, veteran yo ak kominate LGBTQ+ la.

Biznis ki enterese chèche yon prè ka aplike davans nan [NYLoanFund.com](#). Founisè prè Fon Prè New York Forward 2 yo gen ladan Accion Opportunity Fund, Ascendus, Community Impact Loan Fund NDC a, Pursuit, ak TruFund Financial Services.

Biznis k ap patisipe yo ak òganizasyon san bi likratif yo kapab benefisyè tou nan sèvis konseù gratis ki founi pa Sant Asistans pou Antreprenarya (Entrepreneurship Assistance Centers, EACs) ak Sant Developman Ti Biznis (SBDC) New York yo. Menm si yon aplikan pa kalifye kounye a pou yon prè epi li pa konekte ak yon pretè, yo ka travay avèk konseye sa yo pou ede devlope yon plan biznis, vin pi pwofitab, epi avanse nan yon pi bon pozisyon pou kredi alavni.

Fon an jere pa Calvert Impact epi li administre pa Community Reinvestment Fund an patenarya sere ak patnè sektè prive yo tankou Citi Foundation ak Wells Fargo. Pou plis enfòmasyon ak pou aplike, vizite [NYLoanFund.com](#).

Senatè Eta a, Sean M. Ryan, te deklare, "Pou ti biznis ak òganizasyon san bi likratif yo ki souvan opere ak maj ki mens anpil, depans inatandi yo ka byen vit tounen yon pwoblèm ki grav. Pwogram elaji sa a pral pèmèt plis antreprenè New York pran avantaj de prè nan pri ki ba ak lòt sèvis ki deja ede prèske 2,000 ti biznis atravè eta a ak òganizasyon san bi likratif yo."

Manm Asanble Harry B. Bronson, te deklare, "Ti biznis yo se kolòn vètebral ekonomi nou an ak motè ki pi enpòtan nan ekite ak opòtinite mendèv la. Anpil fwa, yo eskli yo oswa yo pa kalifye nan sibvansyon ak resous finansman yo. Kòm yon pwopriyetè ti biznis mwen menm, mwen te fè eksperyans ki jan sa limite ekspansyon ak kwasans. Mwen kontan pou m fè patenarya ak Gouvènè Hochul sou Fon Prè New York Forward

2 A pou bay prè fleksib ak fliks finansman ki pral pèmèt ti biznis nou yo finanse amelyorasyon enpòtan yo, elaji mendèv yo epi grandi yon fason dirab."

Konsènan Inisyativ Kredi pou Ti Biznis Eta yo

Yo deja atribye plis pase 500 milyon dola nan finansman federal pou sipòte rezijans ti biznis yo atravè Eta New York atravè Inisyativ Kredi pou Ti Biznis Eta yo (State Small Business Credit Initiativ, SSBCI), yon pwogram atravè Lwa Plan Sekou Ameriken (American Rescue Plan Act) an. Jere pa Depatman Trezò Ameriken (U.S. Department of Treasury) an, SSBCI bay fon pou sipòte pwogram pou ti biznis yo, ki gen ladan [biznis endividé ki defavorize sosyalman ak ekonomikman \(SEDI\) posede](#) ak biznis ki trè piti (VSB) yo, pou rekipere anba konsekans ekonomik COVID-19 la epi pèmèt yo gen opòtinite pou yo reyisi nan ekonomi apre pandemi an. Avèk finansman sa a, Empire State Development (ESD) devlope yon seri pwogram aksè ak kapital ak ekite pou ede ti biznis Eta New York grandi ak reyisi. Aprann sou pwogram SSBCI sa yo ke Empire State Development te etabli nan esd.ny.gov/ssbci.

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418

[ANILE ENSKRIPSYON OU](#)